

**O‘ZBEKISTON RESPUBLIKASI
MAKTABGACHA VA MAKTAB TA’LIMI VAZIRLIGI
OLIY TA’LIM, FAN VA INNOVATSIYALAR VAZIRLIGI**

**NIZOMIY NOMIDAGI
O‘ZBEKISTON MILLIY PEDAGOGIKA UNIVERSITETI**



**KASBIY (IJODIY) IMTIHON
DASTURI VA UNI BAHOLASH MEZONLARI**

60110300 — Maxsus pedagogika: Surdotarjimonlik

(kunduzgi) ta’lim yo’nalishi uchun

Toshkent – 2025

Dastur Nizomiy nomidagi O'zbekiston milliy pedagogika universiteti O'quv uslubiy kengashining 2025-yil "5" iyun dagi "11"-son qarori bilan tasdiqlangan.

Tuzuvchilar:

- **Z.N.Urunova**
O'zMPU "Surdopedagogika va maxsus pedagogikaning klinik asoslari" kafedrası mudiri, PhD., dotsent v.b.
- **M.M.Kodirov**
O'zMPU "Surdopedagogika va maxsus pedagogikaning klinik asoslari" kafedrası o'qituvchisi, PhD

Taqrizchi:

- **L.R.Hayitov**
Qo'qon davlat universiteti "Defektologiya" kafedrası mudiri, PhD., dotsent

KIRISH

“60110300-Maxsus pedagogika: Surdotarjimonlik” bakalavriat ta’lim yo’nalishi bo’yicha kasbiy (ijodiy) imtihon dasturi Oliy ta’lim muassasalaridagi daktilologiya va imo-ishora nutqi hamda surdotarjimonlik praktikumi fanlari dasturi asosida tuzilgan bo’lib, abituriyentlarning amaliy ko’nikma va malakalarini aniqlash uchun mo’ljallangan. “60110300-Maxsus pedagogika: Surdotarjimonlik” bakalavriat ta’lim yo’nalishiga hujjat topshirgan abituriyentlar kasbiy (ijodiy) imtihonda surdotarjimonlikning asosi bo’lgan daktilologiya va imo-ishora nutqidan amaliy ish bajarib, o’zlarining bilimlarini namoyon etadilar. Bajariladigan amaliy ishlar tasdiqlangan mezon asosida baholanadi.

I. Abituriyent bilimiga qo’yiladigan talablar.

1. So’zlarni aniq va ravon, to’g’ri talaffuz qilgan holda daktillay olish, so’zning tovush tarkibiga e’tibor berish kerak. Berilgan matnni daktillayotganda daktilemalar aniq va tushunarli bo’lishi kerak. Bir so’zdan ikkinchi so’zga o’tayotganda kichik pauzaga rioya qilishi, qo’llar yuzning yonida, labga parallel turishi kerak. So’zlarni daktillayotganda og’zaki nutq bilan bir xil tezlikda bo’lishi kerak. Og’zaki nutq daktilemadan oldinda yoki aksincha orqada qolmasligiga ahamiyat berish kerak.

2. Daktillanayotgan qo’ldan gaplarni to’liq aytib berishi kerak. Gap tarkibidagi so’zlarni o’z o’rnida grammatik qoidalariga rioya qilgan holda o’qib berishlari kerak.

3. Biron bir mavzuni imo-ishora orqali aytib berishda har bir so’zning imo-ishorasini aniq va tushunarli ko’rsatishi shart. Imo-ishorani qo’llayotganda qo’llar yelka kengligidan chiqib ketishi kerak emas. Imo-ishora segmentatsiyasiga rioya qilishlari zarur. Ma’lum so’zning imo-ishorasini topa olmaganida gapning umumiy ma’nosini yo’qotmagan holda so’z o’yini orqali gapni imo-ishorada bayon qila olishlari kerak.

Abituriyent jadval bo’yicha belgilangan kunda har bir topshiriqqa 30 daqiqa vaqt davomida amaliy topshiradi.

Bu ishlarni baholash quyidagi tartibda amalga oshiriladi: Imo-ishora fanidan bajarilgan ishga 10 tadan so’zning imo-ishorasini ko’rsatib berish, daktillanayotgan qo’ldan gapni to’g’ri o’qib berish hamda erkin mavzuda matnni imo-ishorada ko’rsatib berish va bu savollarga sinov o’tkazuvchi komissiya a’zolari bajarilgan ishning hajmi va sifatiga qarab ball qo’yadilar. Har bir topshiriq bo’yicha ballar qaydnomaga yoziladi va umumlashtiriladi.

Mazkur yo’nalishda kasbiy (ijodiy) imtihonlar uchun qo’yiladigan maksimal ball – 93 ballni tashkil etadi,

Imo-ishora bo'yicha - 30,0 ball
 Daktilologiya bo'yicha - 30,0 ball
 Erkin mavzu bo'yicha - 33,0 ball

Imo-ishora

№	Savollar mazmuni	To'liq javob uchun ball
1	Yem bermoq, kutib olmoq, dilkash, qadr-qimmat, mahrum qilmoq, payqamoq, uyushma, zehni o'tkir, tabiatshunoslik, qarshi	0-30 gacha
2	Urug', zerikarli, musibat, matonat, tadbirkorlik, jizzaki, muovin, mazmun, oddiy, aza	0-30 gacha
3	Mug'ombirlik, ta'minot, isbot, tushunmoq, jonga tegmoq, havas qilmoq, qabziyat, taniqli, zangori, xususiy	0-30 gacha
4	Tashabbus, ozodlik, aniq, barbod bo'lish, qiynash, xusumat, ataylab, egallamoq, gumon, ko'chirish	0-30 gacha
5	Spektakl, hujum, dalil, zehn, qo'rqinchli, manzilgoh, hunarmand, olim, imorat, to'g'rilamoq	0-30 gacha
6	Paydo bo'lmoq, xulq, osayishtalik, ravon, hissa, lazzat, odobli, alam, xalaqit bermoq, kengash	0-30 gacha
7	Boquvchi, ilhom, qahramonlik, iloj qilmoq, xalaqit bermoq, og'irlik, odobli, tashkiliy, tajriba, mazmun	0-30 gacha
8	Ziyoli, musibat, dam-badam, tejash, qo'lansa, his, fikrlamoq, tirishqoq, holat, kayfiyat	0-30 gacha
9	Opera, zavq olish, josus, idora qilmoq, obro'sini to'kmoq, tarjimai hol, yallig'lanish, tashviqot yurgizmoq, qo'shimcha, erta	0-30 gacha
10	Ta'sir etish, qaramoq, dilkash, biyobon, boqish, tahqirlamoq, asosiy, harbiy, terrorchilik, jasus	0-30 gacha

Imo-ishora bo'yicha baholash mezon. Imo-ishora bo'yicha abituriyentlarning to'plashi mumkin bo'lgan maksimal ballarning umumiy miqdori – 30 ball

№	Mezon nomi	Ballar	Tavsif
1	Aniqlik va tushunarliklik	(0–10 ball)	So'zlarning imo-ishora orqali aniq, ravon, va tushunarli tarzda ifodalanganligi. Noto'g'ri yoki chalkash imo-ishoralar kam balga sabab bo'ladi.
2	Lingvistik to'g'rilik (grammatika, sintaksis)	(0–6 ball)	Imo-ishora tilidagi so'z tartibi, fe'l vaqt mosligi , va boshqa grammatik qoidalar qanchalik to'g'ri ishlatilganligi.

3	Hissiy ifoda va ta'sirchanlik	(0–4 ball)	Soʻzning maʼnosiga mos ravishda mimika, tana harakati va intonatsiya (agar mavjud boʻlsa) orqali hissiyotning ifodalanishi.
4	Moslik va kontekstga eʼtibor	(0–4 ball)	Soʻzga mos kontekstual imo ishlatilganmi yoki yoʻq. Masalan, “tashakkur” soʻziga salomlashuv ishorasi bilan javob berilsa – notoʻgʻri.
5	Tayyorlik va ishonchlilik	(0–3 ball)	Talabgorda imo-ishora tilini bilishdagi ishonchli va tayyorlik holati. Tutilish, ikkilanish, ortiqcha pauzalar kam ballga sabab boʻladi.
6	Xatolarning soni va ogʻirligi	(0–3 ball)	Texnik yoki lingvistik xatolar soni , ularning mazmunga taʼsiri.

Daktilologiya

№	Savollar mazmuni	Toʻliq javob uchun ball
1	Obi -havo chindan ham oʻzgargan, ammo bahorning toza musaffo havosi, quyoshning ilqligi odamning dilini, tanini yayratadi.	0-30 gacha
2	Har qanday tuxmat alamli boʻlsa ham, inson sabri va matonati ila haqiqatni yuzaga chiqaradi.	0-30 gacha
3	Timoqqa oʻtirgan holda xirillashadigan it haqida masal bor. Odamlarda ham shunday: ular yigʻlaydilar, lekin bu “timoq”dan tushishga jurʼat etmaydilar.	0-30 gacha
4	Insonni yomon deb hisoblab, keyin pushaymon boʻlgandan koʻra, uning yaxshi tomonlarini koʻrib, xato qilgan yaxshiroqdir.	0-30 gacha
5	Mamalakatimiz bugungi kunda jahon maydonida oʻz oʻmiga ega boʻlgan davlat sifatida kundan-kunga barcha sohalarida rivojlanib bormoqda	0-30 gacha
6	Taʼlim shunday qudratga egaki, u rivojlangan, u qadr topgan zamin kuch-qudratli, oʻz mavqeyiga ega boʻladi.	0-30 gacha
7	Xato qilish insoniyatga xos va bundan qoʻrqmaslik kerak, biroq qilgan xatolarimizni anglab turib toʻgʻrilashga harakat qilmaslik jaholatdir	0-30 gacha
8	Inson qachonki qalbi istagan ishga bel bogʻlasa muvaffaqiyat qozonishi tayin chunki bu mehnatning tagida zavq yotadi.	0-30 gacha
9	Qahva butun dunyoda isteʼmol qilinadigan ichimlik boʻlib, uning tarkibida inson hayotiy jarayonlariga salbiy taʼsir koʻrsatishi mumkin boʻlgan kofein moddasi mavjud.	0-30 gacha
10	Erta tongda uygʻonib piyoda sayr qilish inson organizmiga ijobiy taʼsir koʻrsatib, immunitetni oshirishga nafas organlari	0-30 gacha

	faoliyatini yaxshilashga yordam beradi.	
--	---	--

Daktilologiya bo'yicha baholash mezonlari. Daktilologiya bo'yicha abituriyentlarning to'plashi mumkin bo'lgan maksimal ball – 30 ball

№	Mezon nomi	Ballar diapazoni	Tavsifi
1	Daktillashni o'qish qobilyati	(0-10 ball)	Daktillangan harflarni tez va to'g'ri o'qiy olishi.
2	So'zlarni aniqlik bilan tanib olish	(0-8 ball)	Har bir daktillangan so'zni to'g'ri tushunishi.
3	Imlo va grammatik to'g'rilik	(0-3 ball)	Og'zaki ifoda grammatik jihatdan to'g'riligi
4	Gapning mantiqliligi	(0-3 ball)	Qayta aytilgan gap mantiqli va izchilligi
5	Gap mazmunini saqlash	(0-3 ball)	Asl daktillangan gapning mazmunini saqlaganligi
6	Javob ishonchliligi	(0-3 ball)	Javob aytilganda ishonch bilan va uzilmay taqdim etishi

Erkin mavzu bo'yicha baholash mezonlari.

Abituriyent ixtiyoriy mavzuda fikrini parallel ravishda daktil va imo-ishoraga aniq tarjima qilib berishi lozim.

Erkin mavzu bo'yicha abituriyentlarning to'plashi mumkin bo'lgan maksimal ball – 33 ball

№	Mezon nomi	Ballar diapazoni	Tavsifi
1	Lug'aviy boyligi	0-10 ball	So'zlar va imo-ishoralar xilma-xilligi hamda mavzuga mosligi
2	Grammatik to'g'riligi	0-8 ball	Imo-ishora segmentatsiyasiga rioya etishi
3	Tana harakatlari, mimika va yuz ifodasi	(0-5 ball)	holat va shaxsni ifodalovchi tana harakati, his-tuyg'ular va ohang yuz ifodasi orqali to'g'ri ko'rsatishi
4	Mantiqiy izchillikka amal qilishi	(0-4 ball)	Fikrlar bir-biriga mantiqan bog'langanligi
5	Ijodkorlik va shaxsiy yondashuv	(0-3 ball)	Matnga shaxsiy fikr, emotsional yondashuv va erkinlik kiritilganligi
6	Nutqning ravonligi va uzluksizligi	(0-3 ball)	Imo-ishora nutqi uzluksiz, tabiiy va ravon ifodalashi

II. Kasbiy (ijodiy) imtihon o'tkazish tartibi

“60110300-Maxsus pedagogika: Surdotarjimonlik” bakalavriat ta'lim yo'nalishiga hujjat topshirgan abituriyent jadval asosida belgilangan kunda, belgilangan auditoriyada imtihon topshiradi.

Imtihon 3 ta ijodiy topshiriqdan iborat bo'lib, quyidagi reglamentga ko'ra o'tkaziladi:

Topshiriqlar navbati	Topshiriqlar yo'nalishi	Ajratilgan vaqt
1-topshiriq	Imo-ishora	5 minut
2-topshiriq	Daktilologiya	5 minut
3-topshiriq	Erkin mavzu	10 minut

Abituriyent bahosi imtihon yakunida e'lon qilinadi, qaydnomaga qo'yiladi, komissiya a'zolari va abituriyent tomonidan imzolanaadi.

III. Kasbiy (ijodiy) imtihonlar natijalar bo'yicha apellyatsiya tartibi

Abituriyent kasbiy (ijodiy) imtihon natijalaridan norozi bo'lganda, natija e'lon qilingan vaqtdan boshlab 24 soat ichida apellyatsiya komissiyasiga murojaat qilishi mumkin.

Arizalar faqat ularning baholari va ijodiy ishlari bilan bog'liq bo'lgan taqdirda qabul qilinadi, ammo boshqa abituriyentlarning ijodiy ishlari to'g'risida shikoyatlar qabul qilinmaydi.

Apellyatsiya komissiyasi murojaatchining imtihon vaqtida yozib olingan videoyozuvini o'rganib chiqish orqali abituriyent murojaatiga javob beradi.